

Kaise Bataoon Main Lyrics

English

Kaise bataaon main tumhe
Mere liye tum kaun ho, kaise bataaon
Kaise bataaon main tumhe
Tum dhadkanon ka geet ho
Jeevan ka tum sangeet ho
Tum zindagi tum bandagi
Tum roshni tum taazgi
Tum har khushi tum pyaar ho

Tum preet ho manmeet ho
Aankhon mein tum yaadon mein tum
Saanson mein tum aahon mein tum
Neendon mein tum khwaabon mein tum
Tum ho meri har baat mein
Tum ho mere din raat mein
Tum subaah mein tum shyaam mein
Tum soch mein tum kaam mein
Mere liye paana bhi tum
Mere liye khona bhi tum
Mere liye hasna bhi tum
Mere liye rona bhi tum
Aur jaagna sona bhi tum

Jaaon kahin dekhon kahin
Tum ho vahan, tum ho vahin
Kaise bataaon main tumhe
Tum bin to main kuch bhi nahin
Kaise bataaon main tumhe
Mere liye tum kaun ho
Yeh jo tumhaara roop hai
Yeh zindagi ki dhoop hai
Chandan se tarsha hai badan
Behti hai jis mein ek agan
Yeh shokhiyaan yeh mastiyaan

Tumko hawaaon se mili
Zulfein ghataaon se mili
Honton mein kaliyaan khil gayi
Aankhon ko jheele mil gayi
Chehre mein simti chaandni
Aawaaz mein hai raagini
Sheeshe ke jaisa ang hai
Phoolon ke jaisa rang hai
Nadiyon ke jaisi chaal hai
Kya husn hai kya haal hai

Yeh jism ki rangeeniyaan
Jaise hazaaron titliyaan
Baahon ki yeh golaaiyaan
Aanchal mein yeh parchhaaiyaan
Yeh nagriyaan hai khwaab ki
Kaise bataaon main tumhe
Haalat dil e betaab ki
Kaise bataaon main tumhe
Mere liye tum kaun ho
Kaise bataaon, kaise bataaon
Kaise bataaon main tumhe
Mere liye tum dharam ho
Mere liye imaan ho

Tum hi ibaadat ho meri
Tum hi to chaahat ho meri
Tum hi mera armaan ho
Takta hoon main har pal jisse
Tum hi to voh tasveer ho
Tum hi meri taqdeer ho
Tum hi sitaara ho mera
Tum hi nazaara ho mera
Yudhyaan mein mere ho tum
Jaise mujhe ghere ho tum
Purab mein tum pachim mein tum
Utar mein tum dakshin mein tum
Saare mere jeevan mein tum

Har pal mein tum har chir mein tum

Mere liye rasta bhi tum
Mere liye manzil bhi tum
Lyricsbogie.com
Mere liye saagar bhi tum
Mere liye saahil bhi tum
Main dekhta bas tumko hoon
Main sochta bas tumko hoon
Main jaanta bas tumko hoon
Main maanta bas tumko hoon
Tum hi meri pehchaan ho
Kaise bataaon main tumhe
Devi ho tum mere liye
Mere liye bhagwaan ho
Kaise bataaon main tumhe
Mere liye tum kaun ho
Kaise.

More Lyrics from [Wajood \(1998\)](#)

lyrics
bogie